

IWAMBUSHU - ZAHUFANYA

Harimwa hali ntrini makaritasi yangu yatsoziyao nisivahidziwe ?

Makaritasi ntrini de mntru alazimu ayatayarishe ?

MNTRU MDJENI MWENDZA MAKARATASI KATSOJUWA AVAHIDZIWA NAHIKA :




- **Nahika wami mntru niliyo na sejuru** → ilazimu poshoni hangu nike na ikarti didatite yangu na isejuru yangu. Ilazimu zike harimwa portabulu au ordinateri, tsena nifanye na fotokopi, nizilishe ha mntru muaminifu
- **Nahika wami mntru natsaha azili** → ilazimu poshoni hangu nike na ikarti didatite yangu na ikartasi ya hutsaha iazili ya préfecture. Ilazimu zike harimwa portabulu au ordinateri, tsena nifanye na fotokopi, nizilishe ha mntru muaminifu.
- **Nahika wami mntru napara makartasi ya réfugié au ya rongolwao protection subsidiaire** → ilazimu poshoni hangu nike na isejuru yangu. Ilazimu zike harimwa portabulu au ordinateri, tsena nifanye na fotokopi, nizilishe ha mntru muaminifu.

- **Nahika wami mntru tsa balighi (tsapara maha kumi na minane) tsija tsisikwa weke au tsisikwa na mntru muhu ikao amba waye tside udwamana wangu** → ilazimu poshoni hangu nike na ya makartasi yangu. Ikarti didatite yendza lisanamwe langu mfano, au ha ushashi iekstire de nesasi yangu. Ilazimu wajau poshoni hangu nike na makartasi ya likoli, yaâni certificat de scolarité yangu, au icarnet de correspondance, nahika tsa likoli. Ilazimu zike harimwa portabulu au ordinateri, tsena nifanye na fotokopi, nizilishe ha mntru muaminifu.




Nahika tsija tsisikwa na lapolisi au na majadarmu, ilazimu nijidze sa uyo mntru muhu (wadzade, au ilikoli, au shama, au alhaswili...).






MNTRU MDJENI KATSOJUWA AVAHIDZIWA NAHIKA :

- **Nahika wami mntru alola au alolwa lameri na mntru mwendza uraiya wa shiFarantsa rangu maha miraru ha ushashi** → ilazimu nidjumulishe zidalili za indrolo, na za yamaesha ya vamoja bweni na mwenye (istishhadi za wanyawe, makartasi ya latete ya fanyiwa vwamoja bweni na mwenye, alhaswili...). Ilazimu zikartasi zizo piya zike harimwa portabulu au ordinateri, tsena zifanyiwe na fotokopi, zilishwa ha mntru muaminifu.



- **Nahika wami mntru mdzade wa mwana au wana ka wabalighi (kawapara maha kumi na minane) waliyo na uraiya wa shiFarantsa wa êshio harimwa ardhwi ya Farantsa** → ilazimu poshoni hangu nike na idalili ya unasaba (ilivure de fami au iekstire de nesasi ya umwana) na ikarti didatite ya shiFarantsa ya umwana au ya uwana au iistishhadi ya uraiya nahika ikarti didatite kayafanyiwa. Ilazimu zikartasi zizo piya zike harimwa portabulu au ordinateri, tsena zifanyiwe na fotokopi, zilishwa ha mntru muaminifu. Isilazimu wajau niyeneyese amba tsirenge fuvu harimwa ya malezi ya umwana wangu rangu aliyo na maha mili ha ushashi au rangu hu dzalwa yahe (mfano zidalili za ishahula akoliviwasho likoli, au zitike za maduka akonunuliwa zintru za likoli zahe, na izinguo zahe, na lidzia lahe, alhaswili...). Zidalili zizo piya nisizihafadhwi fetre, nizirenge mafoto, niyavelehe ha mntru muaminifu ule. Harimwa idosie yangu nitsojua wajau niengedze stishihada ya angihwa na mazahidi, nahika wadjemaza, au madjirani washuhudishao inamuna namurenga dwamana umwana, na inamuna nimuleyao kila suku. Be fahamu kila stishihada ilazimu idungana na fotokopi ya ikarti didatite ya umuntru ayisinya.





- **Nahika wami mntru niliyo muwade wa maradhi madziro ha namuna amba kayatsozihiriha ntsiju hangu nalawa** → ilazimu poshoni hangu nike na istishihada ya matwabibu yi enyesao amba uwade nikodzao kauendreleya na uvahanu watru wasikwa wajo tolwa muji wakao au amba uwade nikodzao kauzihiriha ntsiju hangu nalawa.

- **Nahika wami mntru nangiya harimwa ardhwi ya shiFarantsa kabla hutsimu maha kumi na miraru** → ilazimu nidjumulishe iekstire de nesasi yangu na kila kartasi ithubutishao amba tsingiya Maore rangu natsimu maha kumi na miraru ha uzaidi (zistishihadi za likoli (certificats de scolarité), zibilite za likoli, zidiplomu, zifaktiri, ikarne ya unono (carnet de santé), alhaswili...). Ilazimu zikartasi zizo piya zike harimwa portabulu au ordinateri, tsena zifanyiwe na fotokopi, zilishwa ha mntru muaminifu.



MNTRU AHISIKWA MNTRU AHIBALIWA:

MNTRU AHIKA SILEKI AU ABALIWA VANGINA ANAHAKI :

1. **APARE WADJEMAZAHE AU APARE AVOKA**
2. **AONE TWABIBU AU ZÂFIRMIE**
3. **ASHITAKI MAHAKAMA ISATUWA ARENGEWAYO**
4. **APARANE NA IZAMA ZIRONGOLWAWO SOLIDARITE MAYOTTE AU MLEZI MAORE**
5. **ATSAHE IAZILI NAHIKA ASHANGIDZIWA NTSIJU HAHE**

Ya makartasi yangina ya fayiwo : Zi dalili zienyesao amba mntru a harimwa iardhwi ya Farantsa, Yamadjaribu ya hale yahutsaha makaritasi, Ziresepise, Makaritasi mntru avolwayo wakati akotsaha sejuru, Makaritasi ya latete, Makaritasi ya unono (carnet de sant, Makaritasi ya malalao (ordonnance), Mikataba ya hazi (contrats de travail), Makaritasi ya mshahara (fiches de paye, Makaritasi yienseyao amba mntru a harimwa shama, Konvokasio ya mahakama.